



Republika e Kosovës
Republika Kosovo / Republic of Kosovo
Komuna e Rahovecit



Opština Orahovac/Municipality Rahovec
Kryetari i Komunës / Presednik Opštine / Municipal Mayor

RAHOVEC /ORAHOVAC

Njësia Nr./Br./No 01(Kuvendi i Komunës)

Nr./Br./No 185 Nr. i faq./Br.str/No.pg 61

Data/Datum/Date 30.01.2024



INFORMATË RRETH AKTIVITETEVE TË KKSBB-SË PËR VITIN
2023



JANAR – 2024

HYRJE

Të nderuar kuvendarë/e të Kuvendit Komunal të Rahovecit,

Bazuar në ligjin Nr.03/L-040, për Vetëqeverisje Lokale, dispozitave të neneve 3 dhe 4 të Udhëzimit Administrativ Nr. 27/2012 MPB- 03/2012 MAPL dhe Statutin e Komunës së Rahovecit Nr.1005, i datës: 29.03.2017, kemi kënaqësinë të paraqesim para jush raportin vjetor lidhur me aktivitetet, punët, angazhimet dhe arritjet e Këshillit Komunal për Siguri Në Bashkësi përgjatë periudhës janar- dhjetor 2023.

Këshilli Komunal për Siguri në Bashkësi është themeluar me vendim të Kuvendit Komunal me datë 25.01.2022, ku anëtarët e këtij këshilli janë përzgjedhur sipas Udhëzimit Administrativ Nr. 27/2012 MPB- 03/2012 MAPL, ku është bërë shpallje publike, në këtë shpallje janë përcaktuar kriteret të cilat duhet t'i plotësoj një kandidat për të qenë pjesë e këtij këshilli.

QËLLIMI I INFORMATËS

Përmes kësaj informate jemi munduar të krijojmë një pasqyrim të qartë për kuvendarët/et dhe qytetarët, lidhur me aktivitetet e dhe punët që janë kryer në Këshillin Komunal Për Siguri në Bashkësi. Kjo informatë ka për qëllim që të rrit transparencën dhe llogaridhënien e Kuvendit të Komunës së Rahovecit karshi qytetarëve.

FUNKSIONIMI I KËSHILLIT KOMUNAL PËR SIGURI NË BASHKËSI NË KOMUNËS E RAHOVECIT

Këshilli Komunal për Siguri në Bashkësi funksionon në bazë të legjislacionit i cili është në fuqi në Republikën e Kosovës, ligjit Nr.03/L-040, për Vetëqeverisje Lokale, dispozitave të neneve 3 dhe 4, udhëzimit Administrativ Nr. 27/2012 MPB- 03/2012 MAPL dhe vendimit të Kuvendit Komunal me datë 25.01.2022

Këshilli Komunal për Siguri në Bashkësi udhëhiqet nga Kryetari i Komunës z. Smajl Latifi dhe Koordinatori i KKSBB-së z. Skender Hamza.

ANËTARËT E KËSHILLIT KOMUNAL PËR SIGURI NË BASHKËSI JANË:

- 1.1 Smajl Latifi - Kryetari i Komunës, kryesues;
- 1.2 Fazli Morina - Komandanti i stacionit të Policisë;
- 1.3 Nysret Abazibra - Bashkësia Islame – Rahovec;
- 1.4 Ylvi Shehu - Teqja e Madhe “Shejh Sylejmanit”;
- 1.5 Sabahudin Durguti - Teqja e “Haxhi Shej Iliaz Shehu”;
- 1.6 Milan Stanojevic - Kisha Ortodokse serbe;
- 1.7 Biljana Nakalamic – Komuniteti serb;
- 1.8 Egzon Hamza - Komuniteti Egjiptian;
- 1.9 Valon Berisha - Komuniteti Romë;
- 1.10 Bujar Morina - Komuniteti Ashkali;
- 1.11 Bajram Morina, Kryesuesi i Komitetit për Komunitete;
- 1.12 Abestrim Rexhepi - përfaqësues i FSK-së;
- 1.13 Alban Gashi - Zyrtar/e për barazi gjinore;
- 1.14 Avni Morina - Drejtor i Drejtorisë për Arsimit;
- 1.15 Erseka Cana - Kryetar i Këshillit të Prindërve;
- 1.16 Enis Berisha - KLSP;
- 1.17 Beqir Hamza - KEVSB;
- 1.18 Shani Hoti – Ratkoc, KLSP- Sektori C.
- 1.19 Besmire Bytyqi - Drejtor i Drejtorisë për Mbrojtje dhe Shpëtim;
- 1.20 Vjollca Gurguli - SHL-Kosova;
- 1.21 Lendrit Qelaj - ZKKK;
- 1.22 Shaip Shala - Media lokale;
- 1.23 Mustaf Korenica - Komuniteti i bizneseve;
- 1.24 Lulzim Krasniqi- Përfaqësues i Komunitetit të personave me aftësi të kufizuara.

DETYRAT DHE PËRGJEGJËSIT E KKSBS-SË

Përgatitja e planit vjetor të punës dhe zhvillimi i projekteve për rritjen dhe përmirësimin e sigurisë në bashkësi, identifikimi i dukurive negative, që mund të prishin sigurinë publike dhe rekomandojnë planet e veprimit, bashkëpunojnë me policinë për parandalimin e veprimeve të cilat e kërcënojnë sigurinë në bashkësi. bashkëpunojnë me institucionet qendrore, që merren me sigurinë publike, me qëllim të krijimit të një ambienti më të sigurt në bashkësi. Lidhja e marrëveshjeve të bashkëpunimit me KKSBS-të, të komunave fqinje për çështjet e sigurisë në bashkësi, që i tejkalojnë kufijtë e komunës së tyre. Sigurimi i financimit të projekteve nga Kuvendi i Komunës që kanë të bëjnë me sigurinë në bashkësi. Përmes komunës, kërkon nga ndonjë organizatë jo-qeveritare, financimin e projekteve që lidhen me sigurinë në bashkësi, fton në takimet e tyre përfaqësuesit nga MPB dhe institucione tjera gjegjëse, kërkon nga policia përgjigje për rastet që janë me rëndësi për sigurinë në bashkësi, duke mos ndërhyrë në procesin e hetimeve policore. Mbajtja e takimeve të rregullta, bëhet sipas nenit 11, të Udhëzimit Administrativ Nr. 27/2012MPB-03/2012 MAPL.

Kuvendi i Komunës, ruan të drejtën ekskluzive të ndryshimit dhe plotësimit të këtij vendimi të anëtareve të KKSBS-së.

Anëtarët e KKSBS-së kanë mandat të njëjtë me anëtarët e Kuvendit Komunal.

AKTIVITETET E KËSHILLIT KOMUNAL PËR SIGURI NË BASHKËSI PËR VITIN 2022

Në vitin 2023 kryetari i komunës i ka mbajtur gjithsej 7 mbledhje të Këshillit Komunal për Siguri në Bashkësi, ku të gjitha këto mbledhja janë mbajtur sipas planit të aprovuar në 28.12.2022, pra janë respektuar të gjitha pikat e rendit të ditës të planit, gjithashtu ka pasur edhe pika shtesë, kjo është varur nga gjendja dhe situata e cila ka qenë në kohën kur është mbajtur takimi.

Përpos diskutimeve dhe debateve që janë bërë në këto takime sa i përket pikave të rendit të ditës, gjithmonë në fund të takimeve janë marr rekomandimet dhe konkluzat.

Më poshtë do iu paraqesim të gjitha takimet nga mbledhjet e Këshillit për Siguri në Bashkësi: Si dhe pikat e rendit të ditës, poashtu edhe konkluzat që kanë dalë nga këto takime.

Mbledhjet e mbajtura për vitin 2022 nga Këshilli Komunal për Siguri në Bashkësi janë:

Pikat e rendit të ditës nga Mbledhja e KKSBS-së e mbajtur me 28.01.2023

1. Shqyrtimi dhe aprovimi i procesverbalit nga mbledhja e kaluar;
2. Shqyrtimi i informatës së aktivitetëve të KKSBS-së për vitin 2022;
3. Vlerësimi i përgjithshëm i gjendjes së sigurisë, në territorin e komunës së Rahovecit;

-Analizë e sigurisë në territorin e Komunës së Rahovecit për vitin paraprak;

-Siguria në trafik

-Monitorimi dhe raportimi mbi nivelin e sigurisë në shkolla dhe zbatimi i planit për siguri në shkolla.

-Rreth veprimeve dhe masave për luftimin e shkelësve të ligjit, në Komunën e Rahovecit.

-Mbrojtja e lumenjve që rrjedhin në territorin e Komunës së Rahovecit

-Siguria dhe kontrolli i produkteve ushqimore.

4. Të ndryshme.

Për të gjitha pikat ka pasur diskutime, por si pikë më me rëndësi dhe që ka pasur më shumë interesim ka qenë pika Vlerësimi i përgjithshëm i gjendjes së sigurisë në territorin e Komunës së Rahovecit, në këtë pikë gjithmonë ka raport të detajuar nga Komandanti i Policisë së Stacionit në Rahovec, ku njoftohen anëtarët e KKSBS-së rreth situatës së sigurisë në Komunën e Rahovecit.

Konkluzion nga takimi i KKSBS-së i datës 28.01.2029

Konkluzioni rreth pikës së tretë: Kryetari - Bashkë me stacionin policor, OJQ-të, inspektorët e komunës, bashkësitë fetare, me QPS-në, me të gjitha drejtoritë, kemi bërë një punë të mirë gjatë vitit 2022, duke u karakterizuar si vit i qetë dhe stabil, sa i përket sigurisë në komunë.



Pikat e rendit të ditës nga mbledhja e KKSBB-së e mbajtur me 16.03.2023

- 1. Shqyrtimi dhe aprovimi i procesverbalit nga mbledhja e kaluar;**
- 2. Vlerësimi i përgjithshëm i gjendjes së sigurisë në territorin e Komunës së Rahovecit;**
 - Trotualet, lirim i tyre dhe shenjat sinjalizuese;
 - Qentë endacak;
 - Siguria në trafik;
 - Monitorimi dhe raportimi mbi nivelin e sigurisë në shkolla dhe zbatimin e Planit për Siguri në Shkolla;
 - Veprimi dhe masat për luftimin e shkelësve të ligjit në Komunën e Rahovecit;
 - Mbrojtja e lumenjve që rrjedhin në territorin e Komunës së Rahovecit;
 - Siguria dhe kontrolli i produkteve ushqimore;
- 3. Organizimi i Takimit Publik me qytetarë dhe kryetarët e fshatrave dhe të lagjeve urbane;**
- 4. Të ndryshme.**

Konkluzion nga takimi i KKSBB-së i datës 16.03.2023

Konkluzioni rreth pikës së dytë: Kryetari Gjendja e përgjithshme në Komunën e Rahovecit, në bazë të argumenteve dhe të burimeve tona të disponueshme, është e qetë, stabile dhe e qëndrueshme. Në periudhën në mes dy mbledhjeve nuk ka pasur situata të cilat e kanë cenuar sigurinë e përgjithshme në Komunën e Rahovecit.

U diskutua rreth huliganizmit me rastin e organizimit të Final 8, natyrisht e kemi mirëpritur këtë ngjarje të madhe sportive, por asnjëherë nuk do t'i mirëpresim këto gjëra që kanë të bëjnë me dhunën në sport duke shkaktuar dëme.

Sa i përket dhunës në familje, i inkurajoj OJQ-të, Qendrën për Punë Sociale dhe grupin joformal të grave, që të punojnë më shumë rreth fushatës së ndërgjegjësimit. Veprimet e ndeshura me ligjin do të kenë gjoba mandatore, duke kërkuar ndihmën e KKSBB-së dhe të policisë.

Sa i përket sigurisë në shkolla, ne kemi mandat që t'i marrim të gjitha masat dhe veprimet për sigurinë e tyre, në pajtim me ligjin.

Te lokalet e natës, kërkoj nga inspektorati dhe policia që t'i shumëfishojnë aksionet. Në orën 23:00, sipas vendimit të Kryetarit të Komunës, përfundon aktiviteti dhe puna në lokalet "problematike" të natës.

Te mbeturinat: Përkundër gjobave mandatore, përsëri njerëzit e pandërgjegjshëm vazhdojnë të hedhin mbeturina, duke e ndalë rrjedhën e lumenjve. Një rol dhe peshë të madhe në parandalimin e këtij fenomeni e kemi edhe ne si KKSBB, sepse mjedisi është prioritet i lartë i punës dhe me ligjërata sensibilizuese dhe objektivat e KKSBB-së, mund ta minimizojmë degradimin e lumenjve.



Pikat e rendit të ditës nga mbledhja e KKSB-së e mbajtur me 06.06.2023

1. Shqyrtimi dhe aprovimi i procesverbalit nga mbledhja e kaluar;
2. Vlerësimi i përgjithshëm i gjendjes së sigurisë në territorin e Komunës së Rahovecit;
 - Prishja e qetësisë publike nga lokalet e natës dhe personat e papërgjegjshëm;
 - Plani operativ për sezonin e pushimeve të mërgimtarëve dhe dasmave;
 - Rreth veprimeve dhe masave për luftimin e shkelësve të ligjit në Komunën e Rahovecit;
 - Mbrojtja e lumenjve që rrjedhin në territorin e Komunës së Rahovecit;
 - Siguria në trafik;
 - Siguria dhe kontrolli i produkteve ushqimore.
3. Identifikimi i çështjeve problematike që ndikojnë në sigurinë publike ndëretnike;
4. Të ndryshme.

Konkluzion nga takimi i KKSB-së i datës 06.06.2023

Konkluzioni rreth pikës së dytë: Mund të konstatojmë që situata e sigurisë ndërmjet dy takimeve, ka vazhduar të jetë e qetë dhe stabile

Konkluzioni rreth pikës së tretë - Do të punojmë që të mos ketë raste që prodhojnë urrejtje dhe gjuhë të mosdurimit sepse marrëdhëniet ndëretnike është e vërtetë që nuk prishen me një rast ose dy, por duhet të jemi të vëmendshëm në vazhdimësi edhe këtu në KKSB ta japim kontributin tonë edhe në lagje të epërme dhe kudo në territorin e përgjegjësisë në komunën tonë. Situata në Komunën e Rahovecit vazhdon të jetë e qetë dhe stabile, përkundër klimës së përgjithshme në Kosovë, që në ndonjë vend mund të ketë edhe probleme të vogla. I ftoj qytetarët që të vazhdojnë jetën normale, le t'i vishen punëve që i kanë përpara.



Pikat e rendit të ditës nga mbledhja e KKSB-së e mbajtur me 07.08.2023

1. Shqyrtimi dhe aprovimi i procesverbalit nga mbledhja e kaluar;
2. Vlerësimi i përgjithshëm i gjendjes së sigurisë në territorin e Komunës së Rahovecit;
 - Siguria ne trafik;
 - Prishja e qetësisë publike nga lokalet e natës nga personat e papërgjegjshëm;
 - Masat për parandalimin e lëmshë-kërkuesit;
 - Parapërgatitja dhe vetëdijesimi i qytetarëve për parandalimin nga zjarri gjatë sezonit veror;
 - Mbrojtja e lumenjve që rrjedhin në territorin e Komunës së Rahovecit;
 - Siguria dhe kontrolli i produkteve ushqimore;
3. Sensibilizimi i qytetarëve për rëndësinë e promovimit të bashkëpunimit ndër-etnik, multi-kulturor dhe ndër – fetar;
4. Të ndryshme.

Konkluzioni nga takimi i KKSB-së i datës 07.08.2023

Konkluzioni rreth pikës së dytë: Në Komunën e Rahovecit në bazë të argumenteve dhe burimeve që i posedojmë është stabile, e qetë dhe pa ndonjë ndryshim të theksuar nga takimi i fundit i mbledhjes së KKSB-së, ani pse gjatë këtij muaji ka pasur në vazhdimësi zhvillime duke e karakterizuar muajin e ardhjes së bashkatdhetarëve.

Konkluzioni rreth pikës së tretë- Besoj që komuna jonë vazhdon të jetë shembull i mirë i stabilitetit dhe bashkëjetesës edhe pse është komunë multikulturore dhe multifetare. Këtë që po e them është në dijeni edhe OSBE-ja, LMT-ja dhe të gjithë ata që e kanë për detyrë që ta përcjellin situatën e sigurisë dhe të diversitetit kulturor ndër-etnik. Nëse dikush ka diçka për të thënë në lidhje me këtë temë, mund ta merë fjalën!



Pikat e rendit të ditës nga mbledhja e KKSBB-së e mbajtur me 11.09.2023

1. Shqyrtimi dhe aprovimi i procesverbalit nga mbledhja e kaluar;
2. Vlerësimi i përgjithshëm i gjendjes së sigurisë në territorin e Komunës së Rahovecit;
 - Prishja e qetësisë publike nga lokalet e natës dhe personat e papërgjegjshëm;
 - Trajtimi i mbrojtjes së pyjeve nga dëmtuesit ilegalë;
 - Vetëdijesimi nga minat dhe mjetet e tjera të pashpërthyer nga lufta;
 - Gjendja e sigurisë në shkolla;
 - Identifikimi i hapësirave për qasjen e personave me nevoja të veçanta;
 - Monitorimi dhe raportimi mbi nivelin e sigurisë në shkolla dhe zbatimi i Planit për siguri në shkolla;
 - Siguria në trafik;
 - Raportimi dhe parandalimi i dhunës në familje;
 - Rreth veprimeve dhe masave për luftimin e shkelësve të ligjit në komunën e Rahovecit;
 - Mbrojtja e lumenjve që rrjedhin në territorin e komunës së Rahovecit;
 - Siguria dhe kontrolli i produkteve ushqimore.

5. Të ndryshme.

Konkluzion nga takimi i KKSBB-së i datës 11.09.2023

Konkluzioni rreth pikës së dytë: Sa i përket gjendjes së sigurisë në Komunën tonë, është e qetë, stabile dhe e qëndrueshme, përkundër faktit që Festa e Vjeljes së Rrushit ishte e organizuar nga një ekip i madh organizues, që i ka dhënë kuptim dhe përfitime komunës së Rahovecit, që është mbajtur më 1, 2 dhe 3 shtator. Përkundër faktit që numri i njerëzve, i automjeteve dhe qarkullimi gjatë kësaj feste, mund të konstatojmë se gjithçka ka shkuar sipas planifikimit dhe nuk e ka dëmtuar aspektin e sigurisë në komunën tonë, përkundrazi i ka dhënë vlerë dhe ishte një mesazh i mirë për të gjithë si mikpritës që di të organizojë ngjarje të tilla dhe nuk ka prodhuar incidente të natyrës serioze.

Sa i përket sigurisë, në kohë të fundit janë duke u shfaqur zjarre nga pakujdesia që mund të jenë edhe të qëllimshme, siç ishte rasti në Majën e Zatriqit, që menjëherë ekipet tona kanë intervenuar edhe ta lokalizojnë e po ashtu kemi edhe në disa lokacione të tjera që janë shkaktuar nga pakujdesia. Besoj që policia ka mundësi që ta shtyjë tutje procesin e verifikimit. Ata që i paraqesin zjarret dhe natyrisht me sektorin e pyjeve për hulumtime të tjera, që sigurisht edhe për shkak të pakujdesisë, mund të shkaktohen vatra të zjarreve dhe unë po besoj që ne duhet ta trajtojmë me shumë kujdes si temë dhe bashkërisht të bëjmë përpjekje, edhe KKSBB-ja, inspektorati, sektori i pyjeve, policia, edhe qytetarët të raportojnë rastet e shkaktimit të zjarreve, pasi kemi edhe raste të lëndimit të zjarrfikësve tanë,



Pikat e rendit të ditës nga mbledhja e KKSBB-së e mbajtur me 14.11.2023

3. Shqyrtimi dhe aprovimi i procesverbalit nga mbledhja e kaluar;
4. Vlerësimi i përgjithshëm i gjendjes së sigurisë në territorin e Komunës së Rahovecit;
 - Prishja e qetësisë publike nga lokalet e natës dhe personat e papërgjegjshëm;
 - Gjendja e sigurisë në shkolla;
 - Siguria në trafik;
 - Raportimi dhe parandalimi i dhunës në familje;
 - Rreth veprimeve dhe masave për luftimin e shkelësve të ligjit në komunën e Rahovecit;
 - Mbrojtja e lumenjve që rrjedhin në territorin e komunës së Rahovecit;
 - Siguria dhe kontrolli i produkteve ushqimore.
6. Të ndryshme.

Konkluzion nga takimi i KKSBB-së i datës 14.11.2023

Konkluzioni rreth pikës së dytë: Vlerësimet tona sa i përket gjendjes së sigurisë, përkundër faktit që ka sfida, probleme, pengesa shkelje, kundërvajtje e plot të tjera, por ne e promovojmë bindjen dhe mendimin tonë se gjendja e sigurisë është e qetë, stabile dhe e qëndrueshme dhe detyra e jonë është të vazhdojmë me përkushtim të mbajmë të pacenueshme gjendjen e përgjithshme të sigurisë në territorin e komunës së Rahovecit.

Siguria në shkolla ishte një temë, është konkluzë kjo që duhet të rritet në vëmendje, një takim me drejtorët e shkollave, me përfaqësuesit e këshillave drejtuese të shkollave, do ta kemi për shkak se ne tash kemi filluar të krijojmë një praktikë të takimeve me drejtorë, me koordinatorë të cilësisë edhe kryetarët e këshillave drejtuese të këshillave të prindër, në mënyrë që bashkë me policinë e me organet e tjera të jemi më të mobilizuar dhe ta mbajmë vëmendjen më të shtuar për me pas një siguri edhe një qëndrueshmëri në shkolla

Qentë endacakë, jemi në monitorim të inspektoratit të Agjencisë së Veterinës dhe Ushqimit dhe ne jemi duke u marrë me këtë temë, nuk e di sapo kemi një zgjidhje, e përkohësisht po qëndron mirë, po përsëri pas një kohe po aktivizohen, me t'u kriju përshtypje sikur dikush me qellim po i sjellë tek ne nga ndonjë komunë tjetër, por sidoqoftë, ne do të përqipemi që të kemi një fokus më të madh, sidomos në këtë periudhë kur fillon me u rrit numri i njerëzve dhe m'u rrit pasiguria njëkohësisht.



Pikat e rendit të ditës nga mbledhja e KKSBS-së e mbajtur me 08.12.2023

5. Shqyrtimi dhe aprovimi i procesverbalit nga mbledhja e kaluar;
6. Vlerësimi i përgjithshëm i gjendjes së sigurisë në territorin e Komunës së Rahovecit;
 - Rreth veprimeve dhe masave për luftimin e shkelësve të ligjit në komunën e Rahovecit;
 - Mirëmbajtja e rrugëve dhe rrugicave gjatë stinës së dimrit;
 - Parkingjet në qytet gjatë stinës së dimrit;
 - Vetëdijesimi për rrezikun e përdorimit të mjeteve piroteknike;
 - Monitorimi dhe raportimi mbi nivelin e sigurisë në shkolla dhe zbatimin e planit për siguri në shkolla,
 - Rreth veprimeve dhe masave për luftimin e shkelësve të ligjit në komunën e Rahovecit;
 - Mbrojtja e lumenjve që rrjedhin në territorin e komunës së Rahovecit;
 - Siguria dhe kontrolli i produkteve ushqimore.
3. Shqyrtimi dhe aprovimi i Planit të Punës së KKSBS-së për vitin 2024.
4. Të ndryshme.

Konkluzion nga takimi i KKSBS-së i datës 08.12.2023

Konkluzioni rreth pikës së dytë: Sipas përvojës që kemi, gjatë festave të fundvitit përdorimi i mjeteve piroteknike është evident. Komuna e Rahovecit do ta nxjerr një urdhëresë për mospërdorimin e mjeteve piroteknike në mjedise publike apo në hapësira ku mund ta prishin klimën publike.

Situata e sigurisë, në zonën tonë të përgjegjësisë po e ritheksojmë edhe në këtë mbledhje që, është qetë dhe stabile pa ndonjë ndryshim të theksuar.

Konkluzioni rreth pikës së tretë: Është miratuar Plani i Punës së Këshillit Komunal për Siguri për vitin 2024, nga anëtarët e këtij Këshilli, ku më pas ky plan do të shkoj për aprovim në Kuvendin Komunal.

KUVENDI I KOMUNËS NË RAHOVEC

01Nr.185/24
Datë:30.01.2024

